



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCV. De iis, qui reperiuntur separari ab Ecclesiastica communione anno
Jubilæi.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

concessis, ac etiam pluries confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut alia exquisita forma ad hoc servanda foret, illorum omnium & singulorum tenores, formas, causas, & occasiones præsentibus pro plene, & sufficienter, ac exactissime, & accuratissime expressis, insertis, servatis, & specificatis respective habentes, illis alias in suo robore permansuris, ad præmissorum effectum specialiter, & expresse, ac plenissime, & amplissime derogamus, & derogatum esse volumus, cæterisque contrariis quibuscumque.

Fides habenda transmissis.

§. 6. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum, & gentium tam in Judicio quam extra illud habeatur, quæ haberetur ipsis præsentibus si forent exhibitæ, vel ostensa.

Datum Romæ apud Sanctum Petrum sub Anulo Piscatoris die VII. Martii MDCCXXIX. Pontificatus nostri anno V.

CCV.

Declaratur, illos qui a S. R. E. Communione Ecclesiastica separati reperiuntur non esse participes Indulgentiæ Anni Jubilæi, aliarumque spiritualium Gratiarum.

Hoc Jubilæum pro Civitate, & Diocesi Parisiensi indictum fuerat ad hoc Pontifice Const. ed. 1728. Nov. 13. P. 5.

Dat. 8. Mart. 1729. An. 5.

BENEDICTUS PAPA XIII.

Ad futuram rei memoriam.

Alias ab hoc eodem Pontifice emanaverunt Littere in forma Brevis pro Civitate, & Diocesi Parisiensi, indulgentias anni Jubilæi, aliasque spirituales gratias concedentes.

§. I. Nuper Nos attendentes, Christiani- des in Civitate, & Diocesi Parisiensi diversis impedimentis detentos ad hanc Alman Urbem nostram pro cælestibus Theauris Anni Jubilæi a Nobis indicti consequendis accedere non potuisse, & propterea illorum spirituali consolationi, & animæ saluti providere volentes, supplicationibus dilecti Filii nostri Ludovici Antonii S. R. E. Presbyteri Cardinalis de Noailles nuncupati, Metropolitanæ Ecclesiæ Parisiensis ex concessione, & dispensatione Apostolica Præsulis, Nobis super hoc humiliter porrectis inclinati, per alias nostras desuper in simili forma Brevis die 13. Mensis Novembris proxime præteriti expeditas literas, omnibus, & singulis utriusque sexus Christianidelibus Civitatis, & Diocesis hujusmodi vere penitentibus, & confessis, ac sacra Communione resectis, quatuor Ecclesias, vel Cappellas, aut loca Pia per Ordinarium Parisiensem arbitrio suo semel tantum deputandas, per quindecim dies continuos, vel interpolatos, quos pro Personis infirmis, senibus, prægnantibus, virginibus, viduis, & aliis quovis alio legitimo impedimento detentis, ac Capitulis, Congregationibus tam Secularium, quam Regularium, Sodalitatibus, Universitatibus, Confraternitatibus, Ecclesiis vel Cappellis, aut loca pia hujusmodi processionaliter visitantibus, atque ob alias causas prout ipsi Ordinario videretur, ad minorem numerum arbitrio pariter suo reduci posse volumus, devote, & reverenter visitantibus, & ibi quinque Orationem Dominicam, & toties Salutationem Angelicam pro peccatorum suorum remissione, ac Christianorum Principum concordia, hæresum extirpatione, ac Sanctæ Matris Ecclesiæ ex-

altatione, atque Ecclesiæ necessitatibus pie ad Deum orando recitantibus, ut plenariam ejusdem anni Jubilæi omnium peccatorum suorum Indulgentiam, & remissionem semel tantum consequerentur, perinde ac si quatuor Ecclesias dictæ Almæ Urbis pro consequendo Jubilæo ejusmodi deputatas statutis ad id diebus personaliter visitassent, & alia ad hoc requisita adimplevis- sent; Et ad hunc effectum illis, ut Confessarios, quos prædictus Ordinarius Jubilæi hujusmodi causa in statutis Ecclesiis deputasset, sibi eligere valeret Presbyteros Seculares, vel cujusvis Ordinis Regulares, qui, Confessionibus eorum diligenter auditis, eos, & eorum quemlibet a quibusvis peccatis, criminibus, excessibus, ac delictis etiam quantumcumque gravibus, & enormibus, etiam Sedi Apostolica reservatis, ac in literis, quæ die Cænæ Domini legi consueverunt, contentis, necnon Censuris, & pœnis Ecclesiasticis ad effectum ipsius Jubilæi consequendum tantum, injuncta eis penitentia salutari, absolvere possent; Necnon ut illi, qui forsitan Roman venerant, ac Jubilæum ipsum consecuti erant, denuo etiam illud juxta dictarum literarum nostrarum tenorem consequi possent, auctoritate Apostolica concessimus, & indulgimus. Præterea eidem Ordinario, ut cujusvis Ordinis Monialibus, ac Orphanorum, aliarumque Mulierum in communi viventium Congregationibus ad Jubilæum intra Monasteria, domove suas consequendum conditiones, modum, & tempus præscribere, & denique in præmissis omnibus, & singulis ejus arbitrio facere, ordinare, providere, & quæcumque sibi bene visa remedia adhibere posset, prout animarum saluti expedire judicaret, facultatem tribuimus, & alias prout in literis nostris prædictis, ad bimestre tantum a die illarum publicationis valituris, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§. 2. Cum autem Nos probe agnoscentes, pastoralem nostram curam, & sollicitudinem in Catholica fidei, sine qua impossibile est placere Deo, unitate atque integritate retinenda, & custodienda præcipue sitam esse, ac propterea licet animo fuerimus maxime alieni, ut illi, qui a S. R. E. communionem Ecclesiasticam separati reperiuntur, Indulgentiæ ejusmodi Anni Jubilæi, aliarumque spiritualium gratiarum in enarratis nostris literis concessarum participes fierent, ac satis superque nostrum erga eos animum occasione alterius Indulgentiæ ad Divinam opem initio Apostolici nostri Regiminis implorandam per Nos indictæ explicaverimus; Nihilominus omnem etiam in præmissis dubitandi occasionem removere, mentemque, & voluntatem nostras certiores reddere volentes, auctoritate Apostolica tenore præsentium declaramus, palamque, & notum facimus nostræ intentionis nullatenus esse, aut fuisse præfatas literas nostras, ac Indulgentiam Anni Jubilæi, gratiasque spirituales præfatas, ac alia in eisdem literis concessa, & contenta quæcumque iis suffragari posse, aut debere, qui per Romanos Pontifices Prædecessores nostros ab ejusdem S. R. E. charitate segregati fuerunt, ac cum quibus proinde nulla Nobis, & ipsi Romanæ Ecclesiæ communio Ecclesiastica existit; Quandoquidem Nos Decretis, & Constitutionibus eorumdem Romanorum Pontificum Prædecessorum nostrorum adversus illos editis firmissime insistentes, sicuti hæcenus constanter adhæsimus, ac semper benedicente Domino in hæfuri sumus, eos, nisi resipuerint, a communis societatis charitate prorsus alienos ab omnibus haberi, ac censeri volumus, & intendimus.

§. 3. Sicque, & non aliter per quoscumque Judices Ordinarios, & Delegatos etiam Causa-

Causa præsentis Constitutionis.

Declaratio prædicta.

Clausula-

ram Palatii Apostolicis Auditores, ac præfate S. R. E. Cardinales etiam de latere Legatos, & quosvis alios qualibet auctoritate fungentes, seu functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, decernimus.

§. 4. Non obstantibus, quatenus opus sit, literis nostris prædictis, ac quibusvis Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus. Quibus omnibus, & singulis illorum tenores præsentibus pro plene, & sufficienter expressis, & de verbo ad verbum inferitis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, caterisque contrariis quibuscumque.

§. 5. Volumus autem, ut earumdem præsentium literarum transcriptis, seu exemplis etiam impressis, manu alicuius Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die VIII. Martii MDCCXXIX. Pontificatus Nostri Anno Quinto.

CCVI.

Dispensantur & absolvuntur a voto Magistratus, & Electi Civitatis Pampilonensis; quo sese adstrinxerant scenicas operas, & Comædias nullo unquam tempore permissuri.

De Commutatione prædicti voti cum alio opere vide alias hujus Const. ed. 1725. Mart. 9. P. 1. & 1726. Apr. 28. P. 2.

BENEDICTUS PAPA XIII.

§. 1. **M**Otu proprio &c. Exponi nuper Nobis fecerunt Magistratus, seu Electi publici repræsentantes Civitatis Pampilonen, quod cum ipsi de anno 1721., ut a Contagio, seu Pestilentia imminente flagello liberarentur, cum approbatione, & consensu Vicarii Generalis, etiam nomine Civium, & incolarum prædictæ Civitatis, illorum tamen consensu præcedenter non requisito Voto perpetuo sese adstrinxerint nullo unquam tempore Scenicas Operas seu Comædias facere, nec illas fieri permittere, neque cæsus Comædorum, seu Historionum admittere; Et subinde paucos post annos Voti prompte servati, teste experientia agnoverint illius observantiam potius ad destructionem, quam ad publicam ædificationem esse versuram, non solum quia Cives, & Incolæ dum prius Comædiis honestis detinebantur, prout summa cum honestate semper illæ expletæ fuerunt, ad alia minus honesta oblectamenta, Choreas, Tripudia, aliasque privatas recreationes sese divertebant, sed etiam quia pia Domus Orphanorum, & Superiorum prædictæ Civitatis cujus est Theatrum, in quo prædictæ Comædiæ recitabantur redditibus, & provenitibus, qui ex dd. Comædiis non modice exigebantur, ex quibus prædicti Orphani, & Spuria alebantur, privata prorsus remanent.

§. 2. Hinc ne pia Domus prædicta perpetuo Subsidio diutius orbata remaneret, ac ut Cives, & Incolæ præfate Civitatis Gratiæ receptæ memoriam perpetuo conservarent, mediante aliqua pia actione publica, seu Sacra Functione singulis annis in Gratiarum actionem explenda, iidem Oratores Votum prædictum prævia dif-

penatione in utroque Foro in obligationem publice exponendi solemnè Ritu, & pompa Sanctissimum Eucharistiæ Sacramentum per tres continuos dies a Reverendissimo Episcopo Civitatis prædictæ præscribendos, quorum ultimo post solemnæ Sacrificium, Hymnum Te Deum laudamus pro Gratiarum actione, musicis modulibus cantare facere, & in Festo Purificationis Beatæ Mariæ Virginis pariter singulis annis solemnem supplicationem indicere tenerentur, per Nos commutari obtinuerunt per litteras Apostolicas in forma Brevis nostræ Pœnitentiariæ, de illius consultatione, & de mandato nostro expeditas sub datum septimo Idus Martii, Pontificatus Nostri anno primo, directas eidem Reverendissimo Episcopo Pampilonen. vel ejus Vicario Generali.

§. 3. Cumque super hujusmodi commutationis executione non leves ortæ fuerint difficultates, & præsertim, quia pro tridua expositione Sanctissimi Venerabilis annuatim faciendæ cum Missa solemnè, & Musica, ac Processione pariter Ritu solemnè peragenda visum fuit, quod omnino dos congrua perpetuo assignanda foret, ne contingeret aliquando ob hujusmodi defectum tales solemnès, & votivas functiones præteriri, & pro tali certa dote constituenda coarctari deberent omnes de gremio dictæ Civitatis ad certam contributionem, quæ non ira de facili habenda prævisa fuit, citra censuram, quod ea, quæ pietatis intuitu præscribi contingeret, extorsioni imputarentur; Ideo ad hæc evitanda, ac pro majori conscientiarum quiete, habito per ipsos noviter ad Nos recursum, supplicando, ut loco supradictæ annuæ commutationis aliquid aliud pietatis opus, non tamen perpetuum, sed pro unica vice tantum præscribere dignaremur. Nos, attentis expositis, prædictam voti commutationem confirmantes, illud in elemosynam scutorum quingentorum monetæ solvendorum fabricæ Ecclesiæ Fratrum Carmelitarum Calceatorum de Tudela in Hispaniis in utroque foro commutavimus, dummodo vere constare Nobis fecissent de effectiva solutione enunciatæ elemosynæ pro unica dumtaxat vice, prout ex consimili Brevis nostræ Pœnitentiariæ sub Dat. 6. Kal. Maji Pontificatus Nostri Anno II.

§. 4. In cujus nostræ Brevis executionem cum iidem exponentes plene constare Nobis fecissent de reali solutione superius memoratæ elemosynæ pro autenticam quietantiam, seu attestationem Prioris, & Fratrum ejusdem conventus in eadem nostra Pœnitentiaria exhibitam; Nos benigne declaravimus prædictam Civitatem Pampilonen., ejusque Magistratum, Cives, & Incolas de cætero ab observantia hujusmodi emissi voti in utroque foro solutos esse, ac remanere ut prius antequam illud emitteretur, ita quod a nemine quavis auctoritate fungente, & quovis intuitu, & prætextu eadem opera, & scenicæ recreationes imposterum impediri possent, prout ex alio consimili Brevis ejusdem nostræ Pœnitentiariæ de simili mandato expedito 12. Kal. Aprilis Pontificatus Nostri Anno III.

§. 5. In cujus pariter executionem cum ipsi Oratores, obtenta prius debita licentia ab Officiali principali Ordinarii Pampilonensis, cœperunt comædias parare, & assuetam Comico-tum Societatem instruere, paratissime omnibus ad recitandum, Ordinarius prædictus, nemine instante, aut reclamante, diffinitivam promulgavit Sententiam, in qua sine præjudicio prædictorum Brevium, declaravit sæpeditum votum validum, legitimum, ac obligatorium, & omnibus interdixit recitationem comædiarum sub pœnis pecuniariis, & Censuris Ecclesiasticis, & occasione hujusmodi Sententiæ plures recursum hinc inde habiti fuere ad Reverendissimum No-

Rursus quibusdam de causis, loco supradictæ annuæ commutationis, aliud pietatis opus pro unica vice tantum præscriptum eidem fuit.

Quod quibus executioni mandavissent ab observantia hujusmodi emissi voti soluti declarati sunt.

Lites hac super re inter Ordinarium, & eisdem extortæ; quibus factum est ut a Pontifice votum prædictum ad pristinam observantiam restitutum fuit.

Dat. 17. Mart. 1729. An. 5.

Voto prædicto sese adstrinxerunt Magistratus Civitatis præfate, ut a Contagio liberarentur.

Causæ, quibus impulsit iidem dispensationem ab illo petiverunt.

Et re vera obtinuerunt commutari in aliud pium opus annuum prævia tamen ejusdem dispensatione.

